



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. IV. Quomodo facienda sit Rerstitutio?

urn:nbn:de:hbz:466:1-40673

ne solutionis, quia differendo solutionem, peccat contra justitiam cum damno creditoris? Universim enim ex peccato contra justitiam cum damno alterius oritur obligatio restitutionis. Eodem modo, qui sciens se vere debere, non vult solvere, donec a Judice cogatur, non solum peccat, sed etiam tenetur restituere expensas suo creditori. Demum, ut notat Molin. apud Laym. lib. 3. tract. 2. cap. 12. si mercator multis debitibus gravatus restituit paulatim per partes in commodum etiam creditorum, ut interim augendo bona sua possit omnibus satisfacere, tenetur pariter compensare illis interesse proveniens ex dilatione; nisi forte presumat, quod relaxetur, eo quod sic consulat bono creditorum.

IV. Quæritur secundo, Quandonam creditor possit petere, ut reddatur sibi res ante terminum præfixum in contractu?

Respondeo, tribus in casibus. Primo si debtor vergat ad inopiam. Secundo, si fugam paret. Tertio, si incipiat esse suspectus de non solvendo; tunc enim cogetur vel reddere, vel cautionem præstare.

ARTICULUS IV.

Quomodo facienda sit Restitutio?

- I. Potest restitutio fieri per alium. At quid, si ad dominum non perveniat, quando fit per Confessarium?
- II. Quod ex delicto debetur, toum simul restitui debet; Et in qualibet pecunia fieri potest restitutio, nisi aliter sit convenitum.
- III. Debitor ad infamiam declinandam potest restituere privatim. At qui publice alios fraudavit, tenetur ex charitate publice restituere ad scandalum vitandum.
- IV. Potest debitor ad infamiam vitian-

dam fingere, quod debitori donet id, quod debet restituere. Quod si hoc intuitu aliquid redonatum est, restitui debet.

- V. Num satisfaciat, qui debens centum Tilio, immemor talis debiti ei donet centum? Aut Beneficiarius, qui post horarum omissionem elemosynas erogat ignorans, aut non advertens, quod debeat restituere fructus Beneficii?

I. Certum est primo, restitutio nem fieri posse sive per se, sive per alium; tum quia Qui per alium facit, per seipsum facere videtur, ex regul. juris in 6., tum etiam quia utroque modo tollitur inæqualitas inter debitorem, & creditorem, ad quod dirigitur restitutio: Quod si restitutio fiat per alium, puta per Confessarium, qui tamen rem domino non reddit, utrum nova restitutio facienda sit, diximus quæst. super. art. 3.

II. Certum est secundo, restitutio nem debitam ex delicto, vel ex re accepta fieri debere totam simul, quando fieri potest; debitam vero ex contractu fieri debere vel simul, vel per partes, juxta conventionem, & pactum contrahentium, cum fides servanda sit.

Certum est tertio, restitutio nem fieri posse in quavis pecunia, sive argentea, sive aurea, &c., nisi aliter convenitum sit; Si enim mutuans auream conveniat cum mutuatario, ut reddat etiam auream, ne subeat aliquod incommodum in numerandis monetis minutis, non potest restitutio aliter fieri, quam in moneta aurea.

III. Quæritur primo, An restitutio fieri possit semper privatim?

Respondeo, sive publice, sive privatim fiat restitutio, eodem modo satisficeri debito restituendi; cum eodem

dem modo tollatur inæqualitas. Verum quando debitor dubitat, quod ex publica restitutione subire possit infamiam, debet illam facere occulite; Si enim ad vitandam infamiam potest restitutio vel omitti, vel differri, cum melius sit nomen bonum, quam divitiae multæ, a fortiori fieri potest occulite: qui tamen publice alios fraudavit, (ut publicus usurarius) tenetur ex charitate ad tollendum scandalum publice restitutionem facere: Quod si illam fecerit occulite, non tenetur ad vitandum scandalum iterum restituere, sed satis est, si alia media adhibeat, quibus ostendat restitutio- nem jam esse factam.

IV. Quæritur secundo, An satisfa- ciat ille, qui ita occulite restituit, ut ne ipse quidem creditor advertat fa- ctam esse restitutionem; putasi fingat donare Titio id, quod furatus est, ne prodat latrocinium?

Respondeo cum Tambur. tract. 4. cap. 1. §. 5. rite fieri sic restitutio- nem, quando alter fieri non potest; nam si ad vitandam infamiam potest restitutio omitti, ut diximus, a for- tiori potest eo modo fieri; quamvis certo moraliter sciām, quod Titius ex gratitudine sit mihi aliquod aliud redonaturus, quod cæteroqui non fa- turus eset; cum enim redonatio sit ex liberalitate, nec induxerim, aut obligaverim Titium ad redonandum, non dicor esse causa, sed occasio, ut illa fiat; ad vitandam autem infamiam sum sufficienter excusatus, si præ- bendo talem occasionem, cooperor ad novum detrimentum, quod patia- tur amicus redonando in gratitudi- nem mei facti muneric: Si tamen po- test aliter restitutio fieri, non est li- citum talem occasionem præbere re- donationis; vel debet deinde quod redonatur restitui.

V. Quæritur tertio, Utrum qui im- memor sui debiti aliquid donat cre-

Pars III.

ditori suo, possit deinde memor de- biti præteriti compensare illud per do- nationem factam, & sic deobligari a restituendo?

Respondeo, affirmare Sanch. lib. 1. cap. 13. num. 11., Trul., aliosque apud Tambur. loc. cit., & apud Dian. part. 5. tract. 13. resol. 94. ob volun- tatem interpretativam, quod nollet ille donare, si adverteret ad debitum; unde hi Doctores putant, quod Be- neficiarius, qui tenetur ob horarum omissionem restituere fructus perce- ptos, satisfaciat, non quidem per eleemosynas erogatas ante horarum o- missionem, ut constat ex thesi tri- gesima tertia confixa ab Alex. VII. sed per eleemosynas postea erogatas, quamvis tunc esset debiti immemor. Communius tamen negant cum Pal. tract. 3. disp. 1. punct. 17. §. 8., Bonac. de restitutione disp. 1. quæst. ultima punct. 2. num. 26.; quia resti- tutio debiti, quæ est actus justitiae, non potest esse actus liberalitatis, & beneficii, & consequenter nequit esse donatio.

ARTICULUS V.

Quo ordine facienda est Restitutio Creditoribus?

I. *Præter ordinem servandum inter Per- sonas, qua debent restituere, at- tendendus est ordo servandus inter Personas, quibus fieri debet resti- tutio, quando bona debitoris non sufficiunt ad integre solvendum e- minibus.*

II. *Quid sit ius in re, quod habent Creditores Reales, quid vero ius ad rem, quod habent Creditores Personales, & Chirographarii?*

III. *In quo differat Pignus ab Hypo- theca, qua multiplex est?*

IV. *Debitor habens rem alienam in in- dividuo restituere illam debet, au-*

P sc-